

新疆圖志卷七十二

水道志六

庫爾喀喇烏蘇河

奎屯河

濟爾噶朗河

固爾圖河

庫爾喀喇烏蘇河

圖志作庫爾噶朗河

有三源一為奎

屯河一為濟爾噶朗河一為固爾圖河

喀喇烏蘇者黑水之義唐書地理志渡葉葉河七十

里有葉河守捉又渡黑水七十里有黑水守捉今庫

爾河臺地也華語稱喀喇烏蘇水者三一庫爾喀喇

烏蘇居其東即庫爾河一多木喀喇烏蘇居其中

新疆圖志

水道志卷六

即濟爾噶朗河一固爾圖喀喇烏蘇居其西即固爾

圖河亦名額布圖河奎屯河為庫爾河上游三水之

源皆出額林哈畢噶爾山而隨地異名

奎屯河源出額林哈畢爾噶山北流逕庫爾喀喇烏蘇

城東又北為庫爾喀喇烏蘇河折西北流濟爾噶朗河

自南來會

西域圖志額林哈畢爾噶在古爾班多博克鄂拉西

北六十里額布圖達巴之東距今庫爾喀喇烏蘇廳

城南一百二十里奎屯河源出山之北盤當和爾郭



斯安濟哈雅兩河源之西百餘里其發源處有二水
東曰托羅滾水面曰沙格得果水北流注之河出山
北流左出一支醜爲渠曰流沙渠西北流逕廳城南
入於地疑卽水道記所稱樹窩子商戶渠也正流逕
奎屯驛西廳城東向北直流九十里至沙喇烏蘇舊
軍臺之南舊台在奎屯驛西北九十里爲庫爾喀喇烏蘇河自此
折而西行逕廳城之北又西北行七十餘里與濟爾
噶朗河會水道記河逕沙喇烏蘇軍台有阿爾沙圖
水自東南來入之其水發源慶綏城北西北流經兩

新疆圖志

水道志卷六

二

城間至新城北新城卽廳治爲五道橋有蓮花池水自東
南來匯蓮花池在今廳治西北土人呼爲西湖者也
惟今湖水北流伏於沙磧而止並不入河昔之阿爾
沙圖水今已涸矣

濟爾噶朗河有三源曰額布圖嶺曰恰克圖嶺曰古爾
班嶺衆水滙流而北爲濟爾噶朗河鄂壘札拉圖水西
南流入之又北流經普塔齊台東布爾噶濟水卽布爾噶
西流入之又西北流入於庫爾喀喇烏蘇河

鄉土志額布圖嶺恰克圖嶺一作恰古爾班嶺係濟

爾噶朗河源水道記所謂三源發南山者也西域圖志濟爾噶朗郭勒在庫爾郭勒西七十里源出天山北麓北流二百里會庫爾郭勒案今圖河發源處有三水東曰札哈水西北流次東曰東斗水西曰叭峽圖水合東北流注之會以北流鄂壘扎拉圖水西流入之又北經土爾扈特郡王府之東左出一支水繞流王府西醜為三渠曰蘇朶渠曰蘇木渠曰庫爾朶渠又北左出一支水醜為二渠曰半截溝曰東井又北右納布爾噶濟水又經普爾塔齊台東舊作布爾哈齊軍台

新疆圖志

水道志六

四顆樹莊西逕北流左醜為額布度克渠右醜為公格塔拉根渠正流又北匯於庫爾喀喇烏蘇河多與水道記相合惟記言鄂壘扎拉圖水經城西北流而止今則西流入濟爾噶朗河此為小異

固爾圖河源出額布圖嶺五水會以北流經固爾圖驛東折西北流與庫爾喀喇烏蘇河會

西域圖志額布圖郭勒在濟爾噶朗西七十里源出額布圖達巴北流百八十里會庫爾郭勒即固爾圖河也額布圖嶺山脈東西橫亘其東西南一支由額林

哈畢爾噶山東行爲廸化南境諸山西北一支由哈喇古顏山西北行爲伊犁北山此嶺其分脈處河源出嶺南麓共分五水曰頭道水二道水三道水四道水五道水合東北流經固爾圖驛東水道記云經庫爾圖軍台東二十五墩木達驛西折西北流百餘里經甘泉湖東北西流入庫爾喀喇烏蘇河其一支出固爾圖驛之南西流十餘里入於沙磧水道記所謂別爲支流經軍台東五十步許遇沙而伏是也墩木達之北河流之東有一小支溢爲三泉曰中泉曰東泉曰西泉皆北

新疆圖志

水道志上八

四

流入於沙不與大河通

庫爾喀喇烏蘇河既會濟爾噶朗河固爾圖河合以西流匯於喀喇塔拉額西柯淖爾圖志作布勒哈齊淖爾

西域圖志布勒哈齊淖爾爲天山西北一大澤周迴

四百餘里東西百五十里南北十八里冬夏不盈虧東會額布圖

郭勒濟爾噶朗郭勒庫爾郭勒西會鄂拓克賽里郭

勒即博羅哈拉河庫色木蘇克郭勒南會晶郭勒水道記淖

爾在安阜城北百二十里城即今精河廳治也其水自然成鹽土人謂之鹽海子庫爾喀喇烏蘇河西流

山其廳界又西三十里至此其北屬塔爾巴哈台境
伊克烏蘭布拉克水哈源出額林哈畢爾噶山合巴
夏布拉克水北流入於沙

巴夏布拉克水 源出額林哈畢爾噶山出山經營
馬廠東之合伊克烏蘭布拉克北流入於沙

巴五里果勒水 源出額林哈畢爾噶山土名草達
阪北流至奎屯驛又北入於沙以上三水均在奎屯河源之東

苦水 源出沙吐克圖達阪額林哈畢爾噶山西支
也土名旗杆溝北流入於沙

新疆圖志

水道志卷之六

五

將軍河 源出命各斯太達阪在庫爾喀喇烏蘇廳
城西南四十里亦額林哈畢爾噶山西支也西北
流六十里艾勒奇水一作及里器水東北流入之又北二
十里至半截溝入於沙

大比阿拉圖水 源出恰克圖嶺在濟爾噶朗之西
北流經土爾扈特牧場入於沙

木吉克水 源出恰克圖嶺在大比阿拉圖水之西
北流經土爾扈特牧場入於沙

三吉水 源出恰克圖嶺在木吉克水之西北流經

爾扈特牧場入於沙

木的圖水水源出額布圖嶺在三吉水之西固爾圖

河之東北流經土爾扈特牧場入於沙

以上庫爾喀喇烏蘇小水

精河

喀喇塔拉額西柯淖爾又南受精河之水即晶河圖志作晶郭勒

精河源出哈喇古顏山陰三源並導合西北流經精河

廳城西又北流來滙

精河之源出於何山書無明文新疆識畧新會典但

新疆圖志

水道三十八

十八

言出南山西域圖志言源出孔道南三十里天山下

皆不能確指其山名水道記固爾圖河西二百五十

餘里為晶河河出安阜城即今精河廳城南山其山即伊犁

哈什河北岸山陰案哈什河源出喀喇古顏山圖志

哈喇古顏鄂拉在額布圖達巴西北二百里晶郭勒

南哈什郭勒發源南麓山脈自額布圖達巴折北而

西為天山分支循是攷之精河在固爾圖河之西哈

喇古顏山在額布圖嶺之西哈什河發源喀喇固顏

之南水道記謂其山屬哈什河北岸則精河當發源

源處有博可哈拉水疑即博羅和洛東流入之庫克

烏蘇水南流入之合東北流為薩爾巴克圖河

其西北有得木克嶺水東南流入之

新疆圖說得木克山在精河城西北六百三十里在

克烏蘇山北為中俄分界二十八牌博處得木克嶺

水亦名枯婁本烏蘇台勒杞水鄉土志作高德木山

水案枯婁木音近高德
本本疑木字之訛

其南喀三嶺水北流入之

新疆圖說喀三達阪在精河城西北五百八十里為

新疆圖志

水道志上八

八

中俄分界二十六號牌博鄉土志作康喀達巴在別

珍島之西其水一名枯婁本水

又東北流經察罕烏蘇卡倫南薩爾堪斯克水巴爾堪

斯克水並南流入之別珍島水北流入之

新疆圖說薩爾堪斯克山洪圖作在精河城西北五

百九十里水有二支經卡東曰耶里肯布拉克卡西

曰白克怎布拉克均東南流五十里入博羅塔拉河

巴爾堪斯克山洪圖作在薩爾堪斯克水東三十里

其水亦有三支曰札圖木欽水鄂里吐里克水並南

流五十里入於河兩山口統屬罕喀爾察蓋山即西域圖志之罕哈爾察海也圖志博羅塔拉郭勒西承鄂拓克賽里郭勒及西北一河河出罕哈爾察海鄂拉西北一河即指薩爾堪巴爾堪諸水而言察罕烏蘇卡倫在博羅塔拉河北岸當巴爾堪斯克山南麓鄂里吐里克水經卡西札圖木欽水經卡東水道記河東北流有察罕烏蘇河自北來經察罕烏蘇卡倫東入之即札圖木欽水也別珍島鄉土志作別克津達阪屬博羅塔拉河南岸在精河西北五百七十里山陰出二

新疆圖志

水道志上八

九

水曰麻相布拉克

新會典作麻相泉水

曰白可進布拉克

新會典作

白克進泉水

均北流入於河

又東北逕雅瑪圖卡倫北又東庫克托木水東南流入之雅瑪圖山屬博羅塔拉河南岸設卡倫一在察罕烏蘇卡東南八十里新會典河東流經雅瑪圖卡倫北左右各納一小水又東經雅里阿土山即雅瑪圖山北左納塔勒奇泉水苦克里特水二水源出托木達阪新疆圖說托木山在精河西北四百七十里庫克托木卡倫正北水道記庫克托木水自西北來入之即

此也苦克則庫雅瑪岡卡之東百四十里舊有鄂拓克之轉音

克賽里河出鄂拓克賽里卡倫南西域圖志鄂拓克賽里郭勒西北行一百里又合罕哈爾察海所出之水匯而東流三十里為博羅塔拉郭勒水道記鄂拓克賽里河出賽喇木淖爾西北博羅和洛山東流經喀喇河北岸又東北經熱水泉南又東北經卡倫南又東北入薩爾巴克圖河案新會典圖無此水新疆圖說鄂拓克賽里水在精河西北三百九十里其源出卡旁泉穴北流三十里至大新喀喇伏於破城草

新疆圖志

水道志上八

十

場與圖志水道記皆不合或昔入大河而今不入河矣

河又東逕喀喇烏蘇布克什卡南布哈水出於哈拉達阪西南流來會

新疆圖說哈拉達阪在精河城西南應作西北六十餘里布哈水源出其西南流二百里至喀喇烏蘇布克什卡南入博羅塔拉河蓋河東北流布哈水西南流於卡倫南相會也水道記薩爾巴克圖河又東流有水自北山南流來入即指此哈拉達阪之西為索達阪

在精河西北三百三十里西距庫克托木卡百三十

里新疆圖說索嶺水水道記作莎嶺水西南流入博羅塔拉

河案會典圖索嶺水其西南流者僅有在哈一水或

布哈源出哈拉達阪西流會索嶺水合而西南流歟

又東逕察哈爾左右翼城南又東庫森木什克河圖志作月

色木蘇源出塔勒奇山東北來會又東滙於淖爾

水道記博羅塔拉河東流逕察哈爾左翼廟南又東

逕左翼田南莎嶺水南流入之又東逕察哈爾右翼

廟北又東逕右翼倉南又東逕右翼田南又東逕達

新疆圖志

水道記卷上八

爾達木圖卡倫南庫森木什克河自南來入之其水

發源哈什河北岸山陰二源並湧為瑚素圖布拉克

水水傍南山東流百二十里經托霍木圖軍臺南又

東流折而北經小山嘴東又經橋下即果子溝橋北流

百二三十里入於博羅塔拉河又東流數十里入喀

喇塔拉額西柯淖爾西域圖志庫色木蘇克郭勒在

察罕拜牲城西五里有兩源出塔勒奇鄂拉西五十

里過鄂拉東迤北行八十里又折而東五十里入布

勒哈齊淖爾案庫森木什克河東十里有水北流水

東有村落曰大河沿又東三十餘里有水北流又東五十餘里有托里水經托里驛西畔瀦爲小澤皆不與淖爾會

察罕水 源出額布圖嶺西北麓又西合耶里滿津水阿里帖克水會西北流伏於沙

雨的尼水 源出額布圖嶺西北麓在察罕水之東自庫爾喀喇烏蘇廳西南向西北流入精河廳界又北流伏於沙以上精東水

烏拉斯台水 即東托各斯台水新疆圖說托羅各

新疆圖志

水道志上八

十一

特達阪在精河西南百四十里登努斯嶺之東烏拉斯台水源出達阪北麓其西有尼勒黑水胡吉冷黑坦水皆北流伏於草積

合洛斯水 新疆圖說合洛斯水出登努斯達阪西爲沙拉改水東南流六十里與博羅布爾噶蘇水匯

合洛斯太水 新疆圖說合洛斯太水出庫森木什達阪即水道記之呼魯蘇台水又西爲覺洛海水即畢立海水又西十餘里爲黑子布拉克即渠立

海水皆南流入合洛斯太水伏於地以上精河以西水

以上精河小水

伊犁河

特克斯河

崆吉斯河

喀什河

伊犁河有三源一為特克斯河

界約作帖克斯川

一為崆吉斯

河

圖志作空格斯郭勒

一為喀什河

西域圖志伊犁郭勒東西逕伊犁境內四百餘里東會空格斯郭勒西南會特克斯郭勒東北會喀什郭勒合而西流為伊犁郭勒新疆識畧水道記僅舉二源非也新會典亦言二源以特克斯為西南源崆吉

新疆圖志

水道志卷六

十二

斯為東南源喀什為東北源與圖志合

特克斯河源出汗騰格里山北麓自蘇木拜卡倫入甯遠境東流經諾海托蓋山北格登山南又東逕霍洛海台南又東北逕木尼克得山南又北流至額林哈畢爾噶山南崆吉斯河自東南來會

西域圖志特克斯郭勒在伊犁西南一百五十里源出汗騰格里鄂拉北盤水道記汗騰格里山在納喇特嶺西五百里山脈來自木素爾嶺山勢尊嚴羣峯環拱為天山之主峯特克斯河出其北麓三支並出

案汗騰格里為天山之總名東起博羅圖山馬魯輪台交界

岐西接木素爾嶺又西至那林哈勒噶山達於俄境

一幹相連伊犁鄉土志謂特克斯河發源俄屬之木

素爾山新疆識畧亦言源出阿克蘇北山冰嶺之西

惟木素爾為冰嶺之專稱今特克斯河源已劃出俄

界疑與阿克蘇冰嶺相混勘界日記由薩瓦巴齊卡

倫順山脚北行計程百八十里又北行八十里至汗

騰格里山脚仰視山頂其高無極幾欲登臨四尋無

路因徙俄使議照約指山為界是伊犁西南界外仍

新疆圖志

水道志上八

統屬汗騰格里山指為河源所出似較分明光緒四

年俄人要索割特克斯河截天山南北孔道其後幾

經爭論始議以格登山歸於我於甯遠西南境設立

蘇木拜第六七號牌博羅羅特克斯正源已劃於俄

界而大段河流則仍歸中土也案今特克斯河東流

入境之處北曰格登山會南曰諾海托蓋山河流兩

山之間其西北有阿爾班水東南流入之阿爾班水

源出明布拉克山南流七十餘里經格登山北麓東

會格登水入於河特克斯河又東大帖列水北流入

之大帖列水水道記作噶克察哈爾海水源出提尼
冰山北流六十里入於河特克斯河又東二十里經
特克斯台南哈喇罕山北察罕烏蘇水南流入之察
罕烏蘇水道記作喀喇烏蘇源出冰嶺之沙圖阿曼
軍台新疆識畧格登水東有努爾岡水東南注瑋博
圖水二水合東南注哈爾罕圖阿璊水三水合東南
注圖爾袞布拉克水四水合南流爲喀喇烏蘇水又
南流入於河特克斯河又東五里曼雄水南流入之
又東五里喀三水南流入之二水源同出哈升達阪

新疆圖志

水道志上八

十五

南流經博羅哈瑪爾山又東南入於河特克斯河又
東二十里沙喇諾海水南流入之自喀三水東十里
爲烏蘭布拉克水又東十里爲沙喇諾海水沙喇諾
海水源出沙喇諾海嶺南流至博羅哈瑪爾北烏蘭
布拉克自西北來會同流經博羅哈瑪爾東又東南
入於河特克斯河又東五里月爾圖水南流入之又
東五里巴噶譯言也哈爾罕圖水南流入之又東三里
伊兒譯言也哈爾罕圖水南流入之皆出沙喇諾海東
山經舊銅廠東南流入於河特克斯河又東北二十

里大霍洛海水

水道記作伊克華諾輝

南流入之又東五里小

霍洛海水

水道記作巴陽華諾輝

南流入之二水源皆出霍洛

海嶺大霍洛海水南流經銅廠西又西南流由霍洛

海谷中行又出谷口共南流八十里經霍洛海台西

南小霍洛海水自東來會共南流四十里入於河特

克斯河又東北流合羅海水

水道記作華托羅海

南流入之又

東烏蘭水合烏圖水

水道記無此二水

並南流入之三水皆

源出阿勒台山西

水道記作阿勒地和碩山

合西南流五十餘里

入於河特克斯河又東北流阿古雅斯水

水道記作阿圭雅斯

新疆圖志

水道志卷六

東北流入之阿古雅斯水源出阿克達阪

即阿圭雅斯山在綏

定城南五里東北流一百里入於河特克斯河又東北

流古爾班吉里木台水入之又東北流古爾班莫列

台水入之又東北流古爾班特勒克水入之三水皆

發源阿勒台山並北流入於河阿勒台山在木素爾

額林哈畢爾噶兩山梁之間者是也特克斯河又東

北流經阿勒台山南霍爾圖水

水道記作溫都作拉克

自博爾

台南東流合塔勒得水塔勒布結水喀台水素水玉

季坤水哈巴拉克水沙喇博霍齊水東南流入之霍

爾圖水在大霍洛海東水水東三十里源出霍洛海山山

山東麓東流百餘里經博爾軍台南塔勒得水塔拉

布結水略台水皆自北南流來會霍爾圖水又東五

十里素水發自素達阪素水即莎水素達阪即南流

來會霍爾圖水又東流八十里玉季坤水一作玉發

自素達阪東山南流來會霍爾圖水又東三十里巴

哈拉克水亦發素達阪東山南流來會霍爾圖水又

東十餘里莎喇博霍齊水發自沙喇博霍齊嶺南流

來會霍爾圖水既會眾水又東折西南傍阿勒台山

新疆圖志

水道共六十八

十七

東入於河特克斯河又東北逕木尼得克嶺南水道

特里莫庫克烏蘇水東北流入之庫克烏蘇一名紅

源出南山陰北流古爾班吉爾瑪台水與哈畢斯朗

水自東來會注於庫克烏蘇水合東北流入於河特

克斯河又東北流逕達哈岱烏拉山北小濟爾噶朗

水發自南山陰西北流西會哈爾罕圖水來入之特

克斯河又東北流大濟爾噶朗水亦發自南山陰和

濟爾噶朗水合西北流入於河特克斯河自木尼得

克山東流三十里經特克斯塔拉莊又東北流四十

餘里至寧遠界之額林哈畢爾噶山南與崆吉斯河
會河流共長七百八十餘里

崆吉斯河源出鄂敦庫爾嶺西北流經丹布哈什山北
昌曼河自東南來入之又西北流逕額林哈畢爾噶山
南特克斯河一源自西南來匯合西北流至雅瑪圖山
北會於哈什河

西域圖志烏得音郭勒達巴在額布圖達巴西南五
十里空格斯郭勒發源西麓新疆圖說崆吉斯河在
喀喇沙爾西北五百五十里源出土爾扈特部落阿

新疆圖志

水道志六八

墩庫爾雪山水道記謂之鄂敦庫爾嶺鄂敦阿即烏

得音郭勒之變音也一作阿敦苦魯又作額通古里
皆一音之轉蒙語鄂敦星也庫爾積雪之義崆吉斯

河發源鄂敦庫爾東口西流百餘里至鄂敦庫爾西
口又出山西北流經丹布哈什山北浣布拉克水土

布拉克水南流四十里入之又西北流浣烏拉斯太水
鄯作玉汗南流五十里入之又西北流納林吉魯太

水鄯土志作汗南流五十里入之又西北流霍爾懷水
南流五十里入之又西北流博克爾羅各水南流五十

入之又西北流格格水南五十里流入之六水皆發源
烏圖達阪東北山卽水道記之阿爾察圖山也崆吉
斯河又西北流昌曼河自東南來北流入之昌曼河
源發自納喇特嶺鄉土志云源出焉耆西北五百里
之烏魯古特嶺蓋一山也新疆圖說那喇特嶺亦名
克木拉克山中俄交涉記云那挨拉脫山路卽納喇特
有參將普來乾罷魯斯克查看崆吉斯河源極東水
岸踰耐拉得山卽納喇特之轉音上山路不克帶駱駝沿耶
魯前子川而下山路漸低耶魯前子川當卽昌曼河

也水道記昌曼河西北流經昌曼卡倫南又西北流
經達哈特嶺山匯其嶺水又西北流經喀喇淖爾嶺
北匯其嶺水又西北流經烏蘭嶺北匯其嶺水又西
北流出山口外入崆吉斯河達哈特嶺卽今丹布哈
什山矣崆吉斯河又西北流逕特穆爾里克嶺南其
嶺水自北來入之特穆爾里克嶺界崆吉斯喀什兩
河間當卽今之烏圖達阪崆吉斯河又西北流經額
林哈畢爾噶山南其地曰那里特回莊特克斯河自
西南來會合以西流逕克里克子嶺南又西北逕阿

布喇勒嶺南又西北逕烏蘭庫圖勒嶺南又折北流
出雅瑪圖山北喀什河自東北來會河流共長六百
餘里那土志作三百六十里僅至那里特莊爲止自那里特至喀什河交會處尚有二百數十里
喀什河源出哈喇古顏山西流經十二圍場之南傍北
山又西流經齊齊罕托羅海水道記作齊齊爾哈納托羅又西經
喀什回城南又西至雅瑪圖山北崆吉斯河一源來匯
合而西流是爲伊犁河

西域圖志喀什郭勒在空格斯郭勒北源出喀什東
一百二十里哈喇古顏鄂拉南麓鄉土志喀什河源

新疆圖志

水道志六八

一一一

出巴圖蒙柯雪山指巴圖蒙柯軍台言水道記哈喇
古顏山南麓湧泉成池植澤星布蕩而西流蓋河近
源也喀什河發源處有布干和拉水合巴勒蒙柯圖
水西南流入之二水源出博和拉達阪即博羅山並南
流入於河喀什河又西流阿爾沙圖察罕烏蘇水東
南流入之水源亦出博和拉達阪即水道記賽里克
察罕烏蘇發自博羅和羅山者是也喀什河北岸十
二圍場一水所匯爲一圍凡九圍自西以次而東並
西南流入於河喀什河又西流六里帖木里克水胡

吉爾太水即布爾哈斯台水自南來入之圖爾根察罕烏蘇

水自北來入之又西流十里阿木爾莫多水即阿布達爾摩

移自北來入之又西流五里哲里木多水自北來入

之又西流五里阿爾斯朗圖布董水自北來入之又

西流十五里哲爾庫布董水自北來入之哲爾庫布

董水西十里哈普齊克布董水並南流入於河河又

西十里烏里雅蘇水自北來入之又西五里哈拉果

勒水水道記作喀喇果勒哈拉果勒水東有無名水一其西有

無名水四皆南流入哈拉果勒水並南流入於河哈

新疆圖志

水道志上

什河又西二十里巴爾加圖水自北來入之巴爾加

圖水東有無名水二並南流入於河諸水皆發源哈

什北山水道記云山無林木惟水道所行登高遙矚

若蒼龍十餘蜿蜒南走是也巴爾加圖南直特穆爾

里克嶺鄉土志謂之烏圖達阪牙巴代布拉克水出

達阪之陰西北流五十餘里入喀什河喀什河又西

傍北山行二十里經齊齊爾罕托羅海台南台之南

岸為呼賴特穆爾里克嶺即額林哈畢爾陽嶺東山河行至此中

流一綫南北兩山勢如束帶河又西流經台西里許

沙爾布拉克水

水道記作沙喇布拉克

自北來入之河又西流

入峽又西流十里經胡吉爾台嶺南阿克布早水道

記作哈克布阻水

自北來入之南北山勢至此復開喀什河

又西傍北山流十里和吉水

水道記作呼濟爾吉爾瑪台

自北來

匯又西流十里察察水

水道記作察察吉爾瑪台

自北來匯又西

流二十里稍折而南木圖托水

水道記作摩多圖吉爾瑪台

自北

來匯此三水即水道記之三吉爾瑪台水也喀什河

又西傍南山流其南山曰烏圖嶺又西七十里經哈

什舊回城南

即都爾伯勒津回莊

又西流二十里尼勒哈水自

新疆圖志

水道志六八

北來入之回城東里許有三泉並發流經將軍營南

西流至回城南亦入於河喀什河自巴爾加圖以西

渠并漸多波瀾增遠又西經烏圖嶺北

水道記作都圖嶺

拉嶺水西北流入之

都拉嶺音

又西經額林哈畢爾

噶山北冲吉水西北流入之又西經阿布喇勒嶺北

又西經烏蘭庫圖嶺北又西經烏蘭嶺北又西經吉

勒蘇胡嶺南額琳莫多水

水道記作額林摩多

自嶺東來入之

喀什河又西流五里呼吉水

水道記作胡吉爾台

自北來入之

又西流三十里烏拉斯台水

水道記作烏里雅蘇台

自北來入

之又西二十里大蘇布台水

即摩多圖

合小蘇布台

水

即莫霍爾蘇布台

皆自北來匯又西胡爾圖水自北來匯

又西南二十里經托拔嶺南合洛斯台水即呼魯蘇

台水發自北山折東南流匯於河又西南流右出一

支水曰皇渠西北流分二支一支北流為雙橋子水

一支西流通齊遠北之闕里沁水及綏定南之塔橋

子水並入於汝哈什河又西南流三十里經完達拉

山北即水道記之渾都賴山哈什河南岸之山也

謂

為北山者非山麓有溫泉河經其下南北兩山相偪東河

新疆圖志

水道志 六

如堵牆折南經山谷隘口復西南流十餘里達谷外

其右出一支水疏為三渠導以西北流曰塔什烏斯

坦渠曰阿魯斯坦渠曰巴依托海渠溉鄂什塔斯坦

回莊嘉慶二十一年將軍松筠疏請於哈什河舊渠

展鑿二十餘里長一百七十餘里西北接濟爾噶朗

水即此渠也哈什河又西南流經雅瑪圖山北雅瑪

圖舊設鉛廠哈什河直鉛廠之北會崆吉斯一源西

注入伊犁河河流共長六百里

鄉土志作里

伊犁河西北流經察布察爾山北分枝南流醒為錫伯

渠

水道記察布察爾山口東距雅瑪崗山七十里察布
察爾水出焉北流溉回莊田新疆圖說作恰倫崗在
伊犁河南岸去河數里有南北二渠南曰錫伯八旗
渠北曰錫伯營渠南渠東北有積水潭周廣數里環
潭皆回民田將軍松筠因新渠成以潭西南二面田
二千餘畝畀錫伯之界遂東移故今皆謂之錫伯渠
也南渠自察布察爾山口南流過積水潭又經塔什
布拉克南溉錫伯正黃旗田又西經察罕拜牲南

新疆圖志



水道志六

二四

鐵峇作額爾格穆托羅海南

溉錫伯鑲紅旗田又西經巴圖蒙柯

北溉錫伯正紅旗田又西至豁吉格爾北溉錫伯鑲
黃正白二旗田而止北渠西經錫伯館南又西溉正
藍旗田又西溉鑲白旗田又分枝渠由錫伯喇嘛寺
東入伊犁河又西經巴圖蒙柯軍台南又西經錫伯
鑲藍旗地南溉其田而止兩渠南北相距十餘里東
南直宿遠城西南直惠遠城長約百餘里

又西過寧遠城南

伊犁河北岸東起博羅布爾噶蘇山西至登努斯台

山有水西南流曰合洛斯太水即呼魯蘇台水又西曰明瑪

魯山有水南流曰覺洛海水即畢立海又西十餘里亦

有水南流曰黑子布拉克水即渠立海二水皆滙於合

洛斯太水溉回莊田又西曰色色布拉克水即薩薩布拉克

又西曰喀臧齊水即哈尊齊水亦溉其莊田而止又西曰

濟爾噶朗水發北山南流合洛斯太水西流來會復

西流溉濟爾噶朗莊田而止其水舊入伊犁河今

溉田無餘水伊犁河西流經其莊南又西經固勒札

倉南在寧遠城又西八里至寧遠城城東北有關里沁

新疆圖志

水志卷六

山水西南流分二支一支南流經寧遠城西入伊犁

河一支西南流至惠寧城東北分二渠北渠溉惠寧

旗屯地南渠經旗屯南入惠寧城又南經惠寧城東

分二渠南流溉熙春頭屯田又折而西至惠寧城南

入於通惠渠

又西經熙春惠寧城南

寧遠西十里至熙春城又西十里至惠寧城惠寧即

巴彥岱城也城南距河三十餘里城北曰阿里瑪圖

山阿里瑪圖水發其麓昔入伊犁河今溉城西莊田

無餘水歸里沁水西阿里瑪圖水東曰磨合圖水即
毛海圖山之水也其水南流溉莊田而止山北爲庫
克哈瑪爾牧場亦有水南流不出山而止伊犁河自
此又西過黃草湖嘉慶年間導河西北流疏爲惠遠
大渠溉旗屯地

又西經惠遠城南烏拉果克水自北來入之

伊犁河西流過巴圖蒙柯軍台之北台對岸即惠城
也烏拉果克水即烏哈爾里克河源出塔勒奇迤東
山水道記謂之卻羅嶺山有谷十餘皆有水南流曰

石門溝曰香房溝曰燒房溝曰白楊溝曰新溝並南
流經中營二屯地至喇嘛寺溝汝拉克水自西北
來注之沙拉布克水亦出塔勒奇東山五泉並發過
軍台之西卡倫之東又東南流經席其台南一作集吉台
入烏拉果克水合南流入大河

又西經塔勒奇城南匯磨河之水又西流莫霍圖河自
北來入之

塔勒奇城東北山之水發自塔勒奇山出果子溝口
南流經左營四屯凡四十里又南經廣仁城東至東

山灣有中營頭屯泉自西來入之又南注於磨河磨
河一名烏里雅蘇圖水產墨花魚磨河之音因墨花
而訛也河自廣仁城西三泉並發至城南分爲二支
東支水東南流經中營頭屯南塔勒奇頭屯北果子
溝水自北來滙合而南流經破城東塔勒奇城北又
折西流瀦爲水磨又折南流經皇渠西瀦爲草湖又
南溉戶民田餘水入伊犁河西支水南流經東十戶
地之東又南流經草湖西又南流爲頭道河亦入伊
犁河伊犁河又西會莫霍圖河之水莫霍圖河亦出
果子溝之西數泉並發曰大東溝曰小東溝曰小西
溝曰苜蓿溝曰大西溝惟小東溝一水達山外溉戶
田而止四溝之水並南流滙於莫霍圖河河南流分
三支西支經右營二屯南流與中支合中支經右營
頭屯西又南流左右各會一泉又南流與西支合東
支東南流至瞻德城北有大東溝水自北來滙合流
經瞻德城東至城南過右營頭屯西復南流與中西
二支合是爲二道河一各溝水亦入伊犁河伊犁河又
南會察罕烏蘇水察罕烏蘇水出大西溝之西南流

分二支東支經右營二屯有泉自西北來會西支西南流與東支合是爲三道河其一支復南流過花牆兒地是爲花牆兒水皆南流入伊犁河

又西經拱宸城南霍爾果斯河南流來匯又西流入俄界拱宸城今霍爾果斯廳治霍爾果斯河水道記作和爾郭斯源發廳北別珍島山舊名松山自別珍島南流六十里經哈爾蘇胡爾卡倫西又南流六十餘里經尼堪卡倫西又南流四十里經廳治西又南流九十里入伊犁大河光緒八年中俄伊犁界約過伊

新疆圖志

水道志六

二一九

犁河自北沿往霍爾果斯河逆流往北行入霍爾果斯河之山口至河源又往北行至別珍套山又往西灣至康喀達巴罕建立第二十六處界牌鄂博此間以河及河源爲交界以霍爾果斯河之東邊爲中國地西邊爲俄國地觀此約則伊犁河西行至此已入俄界凡霍爾果斯河以西諸水皆劃出境外矣案伊犁河入俄境經流所匯之水有策集河即車集河齊齊罕河薩瑪爾河即撒瑪勒河奎屯河界約作烏奎克圖爾根河喀喇河察林河察林河格根河庫隴癸河車里克河古爾

達爾水古爾班阿里瑪圖水哈什柯楞水庫魯圖水
哈什塔克水凡西北行七百餘里而注於巴勒喀什
淖爾

賽里木淖爾

伊犁東北屏曰塔勒奇山其上有湖焉曰賽里木淖爾

謂之天池

一名察罕賽
喇木淖爾

塔勒奇山在綏定城北百八十里賽里木淖爾當山
之正北周三百餘里邱長春西游記云自昌八刺城
並陰山而西南行長阪又西南行有大池方圓幾二

新編圖志



水道志六

二九

百里雪峯環之倒影池中名曰天池沿池正南下左
右峯巒峭拔眾流入峽奔騰洶湧曲折彎環可六七
十里所云長阪即今果子溝山峽也水道記云果子
溝谷長七十里北曰松樹頭嶺嶺東有泉曰察察布
拉兒西流至谷中有紅水泉發嶺下來滙谷西山亦
有水曰烏蘭烏蘇東南流來滙經鄂博勒齊爾軍台
西嶺二有庫爾齊布拉克水由東來滙又南流有烏
博勒齊爾水由西來滙又南流經塔勒奇卡倫有將
軍布拉克水由東來滙又南流經塔勒奇阿璠軍台

東台頭又南流達谷口是爲塔勒奇水南流經塔勒奇城入伊犁

河又云淖爾南銳北豐其水陽焊不耗陰霖不濕池

中曾無片草及其風穰鯉鱖子子皆所不生每日水

潮若應子午每夜氣澄明天半懸一紅燈正臨海心

疑爲神龍所宅矣

東北受碩博圖水

水道記賽里木淖爾東北岸有卡倫曰碩博圖西距

鄂拓克賽里卡倫四十里有小水出淖爾北岸南流

逕碩博圖卡倫西入淖爾卡倫之東迄干珠罕布拉

新疆圖志

水道志六

三十一

克安達拉卡倫北山出水七道皆南流而伏

西南受布哈布拉克水

水道記布哈布拉克平地湧泉在淖爾西南五十步

東北流入淖爾布哈布拉克西有無名泉二亦流數

十步入淖爾

西北受喀喇河

水道記喀喇河出薩爾巴克圖河即博羅塔拉河東岸山東

流經察哈爾右翼廟北察哈爾夏秋游牧於河側其

北岸即鄂拓克賽里河所逕也喀喇河凡東流百里

而近入淖爾

果子溝水 源出塔勒奇山新開達阪西南流百餘里出山口其支流引爲渠溉民田正流南至廣仁城東伏於戈壁

東阿里瑪圖水 源出塔勒奇山庫森木什達阪南流六十餘里引溉旗屯

西阿里瑪圖水 源出塔勒奇迤西山阿里瑪圖溝水達山谷外南流五十餘里至一間房地而止故道入伊犁河今溉田無餘水

新疆圖志

水道志六

三二一

科河 源出紅山嘴達阪南流五里左右各引渠一又南經回王墓西又南流分二支右支經索倫營左支經達呼爾營至霍爾果斯廳城東合流溉屯工田而止鄉土志云河流長九十里

沙拉蓋水 源出登努斯台山南流五十里溉回莊田

烏宗島水 亦名霍洛海莊水源出烏宗島山北流八十里溉回莊田

冲布水 源出烏宗島山北流四十里伏於戈壁

博羅水 源出烏宗島山有大小博羅二水均北流
三十里伏於戈壁

車吉水 源出色格三達阪北流四十餘里漑回莊
田

烏蘭哈達水 源出色格三達阪北流五十里漑回
莊田

札胡斯太水 源出色格三達阪北流百餘里經海
努克台伏於戈壁

索果爾水 源出索果爾嶺即素北流八十里經恰

新疆圖志

水道志六

二二二

布恰莊亦名察布察爾莊漑回民田

恰布恰水 即察布察爾水源出銅山即霍洛海嶺西北
流六十里經牙洛果斯雅哈奇莊分漑各小屯無
餘流

阿黑特梧子水 源出銅山與阿里木土水而里特
水均北流五十餘里漑回莊田

洪海水 源出阿勒台山北流七十里經杜拉圖回
莊漑其莊田

沙拉諾海水 源出沙拉諾海嶺其正流入特克斯

河支流入洪海水合東北流四十餘里溉田
巴拜水 源出沙拉諾海山舊入特克斯河今南經
霍洛海台西伏於戈壁

以上伊犁小水

額敏河

塔爾哈城東北曰額敏河一作額敏河源出額依賓山西南
流經布爾噶蘇台南遐格額敏喀喇額敏二水西北流
來滙

西域圖志額敏郭勒在烏里雅蘇台郭勒西鄂爾和

新疆圖志

水道志卷六

二二二

楚克鄂拉西北源出薩里鄂拉新疆圖說薩里山亦
名賽里山在塔爾巴哈台城東四百五十里據今圖
考之圖志之說蓋指額敏河下流而言其上源實在
鄂爾和楚克山之東北百里薩里山即額依賽山連
峯疊嶂高插雲表絕頂冰雪四時不消額敏河源出
其西北麓西流逕烏蘭胡吉爾台南左會三小水右
會一小水又西流經珠爾呼珠山北又西流經毛海
可凌山北又西流經烏蘭達哈台南其北有小水出
博爾噶蘇台卡倫西北流入之此水流逕烏蘭額敏

河自北折西南流逕哈拉莫多台東台之東北有都倫渠南流來匯額敏河又西南流至博爾噶蘇軍台遐格額敏水喀喇額敏水合西北流來匯二水發源鄂爾和楚克山之烏什嶺水道記謂之烏什嶺水河又西經錫伯圖台南匯錫伯渠水又西阿布達爾莫多河西南流注之

額敏河既會遐格額敏喀喇額敏二水西流逕色莫爾多台南

水道記作色德爾摩多軍台

又西至錫伯圖台南易名

曰錫伯圖河蓋因其所經之地而名之也錫伯圖台

新編圖志

水道志六

二三四

在錫伯圖山之西南錫伯渠水出台西北陬阿布達爾莫多水在阿音乃巴斯塔莊之西塔伯圖卡之東並西南流五十餘里入於河

又西固爾圖河右會察罕河博爾里左會游達蘭圖水合西北流注之

額敏河流之南最大之水曰固爾圖河源出固哲爾德山其右二水曰察罕河源出白嶺爲扈魯特游牧地曰博爾里源出柯柯哈毛爾嶺爲察哈爾游牧地兩河之間屬噶吉爾敦台地噶吉爾敦即高吉敦鄉

土志云賽里山西南隅爲阿和賽爾山鄂勒克綽爾
出兩山西尾交處爲高吉敦然則白嶺及柯柯哈毛
爾嶺皆鄂勒克綽爾山之異名耳固爾圖河之左曰
達蘭圖水源出固哲爾德山西麓察罕河博爾里河
西南流達蘭圖水西北流同入固爾圖河合西北流
入額敏河

楚呼楚水經城東烏拉斯台水經城西合西南流注之
楚呼楚山在塔爾巴哈山東南百里其水曰楚呼楚
水亦名喀喇古隆水出山西南流至今廳治南與烏

新疆圖志

水道志六

三二

拉斯台水會烏拉斯台上源曰布爾罕河發自烏里
雅蘇圖山西麓即圖志所稱烏里雅蘇台郭勒者也
二水一出廳城東一出廳城西至城南頭工二工之
間而合西南流十餘里左瀦爲南湖又西南入額敏
河

又西右會烏宗拉曼什水又西經瑪尼圖卡倫南西流
入俄界

烏宗拉曼什水中俄界約作烏松阿哈奇泉子上源
自中俄交界處東南流入境經克圖山東折西南流

入額敏河案塔城界約斜向西南至巴克圖卡東南
經瑪尼圖廢卡經額米里河而過經沙喇布拉克
察罕托海句塔素土句巴爾魯克四廢卡至莫敦巴
爾魯克卡中間經過數小河均東屬中國西屬俄國
是額敏河經過巴克圖山後至瑪尼圖卡以西已劃
為俄界而巴克圖山水非復我有矣鄒代鈞約說
云自巴克特即巴克圖向南偏西二十度迤六十里為瑪
尼圖卡倫卡倫之北為額米爾河出界處自西流出
界又西一百四十二里入阿拉克圖古勒淖爾即阿拉庫
額爾齊斯河

新疆圖志

水道志六

二二六

湖里

額爾齊斯河

額爾齊斯河源出阿爾泰山西南流逕布倫托海北入
塔爾巴哈台東北界

布倫托海一作噶勒札爾巴什淖爾在科布多西南

塔爾巴哈台東北交界處東南北皆受科境水惟西

一隅有木和洛旦布拉河東南流入之河發自可登

山南盤額爾齊斯河南境之山也額爾齊斯河二源

曰華額爾齊斯河出阿爾泰山西南麓曰喀喇額爾

齊斯海^河出庫爾圖嶺喀喇額爾齊斯河南流百里左會一水復西南流五十餘里與華額爾齊斯河會是

一為額爾齊斯河西南流逕布倫托海北折西北流逕沙拉呼遜軍台北入塔城界

折西北流過納林喀喇山北布爾宗河西南流注之

水道記納林喀喇為噶勒札爾巴什淖爾北岸山山之東為阿勒坦烏梁海種人山之西為博克薩里土爾扈特種人今塔城東北大山也布爾宗河一名博爾集又名博喇濟皆一音之轉水道記云博喇濟河

新疆圖志

水道志六

二七

二源東源為霍木河發自阿勒坦山梁而西流西源為哈那斯河西南流各七十餘里而匯又西南流為博喇濟河入於額爾齊斯河新會典布爾宗河源出阿克別列克山西源曰哈拉各旦水即哈那斯河也又西北哈巴河西南流注之

哈巴河水道記作哈布河源出庫克辛山馮木特游牧之地光緒七年俄人欲於哈巴河劃界自奎峒山過黑伊爾特什河至薩烏嶺劃一直綫經升泰再三爭執始退至阿拉克別克河為界即此河也

又西北哈布干河東北流注之

哈布干河有三源發自納林喀喇山西賽里山東北之穆司島山即洪圖之穆斯套嶺也自哈拉戛圖台西發源北流經覺洛圖台西曰覺洛圖水右會納林水左會會烏拉斯特水合流爲哈布干河東北流經沙山中與額爾齊斯河會

又西北畢里子克河南流來匯又西北至阿拉克别克河口入俄界

畢里子克河東距哈巴河八十餘里中俄議約時俄

新疆圖志

水道志六

二二八

人爭哈巴河不得欲於哈巴河西之畢里克河定界即此河也界約又作伯勒哲克河額爾齊斯河西北流旨之又西北右會納克子哈引河左會布洛滾水又西北至阿拉克别克河口入俄界又西經瑪尼圖舊卡南噶圖干舊卡北又西北流百三十餘里瀦爲齋桑淖爾鄒代鈞界說自阿克喀巴河源南偏西二十度三十分一百四十二里爲阿克喀巴河即哈與喀喇喀巴河干河相會處界又西偏南一度淪薩茲山灣五十里至伯勒哲克河源界又南偏西四十

四度順流三十里爲伯勒哲克河與自北來之別源相會處界又西偏南九度過阿克森阿什奇克真山梁四十二里抵阿勒克别克河界即傍河南偏西十五度三十分迤九十里爲阿勒克别克河入額爾齊斯河之口界此諸河分界之大略也

和博克河

塔爾巴哈台城東曰和博克河發自和博克賽里山三源並出東南流經庫克申倉北左會博依倫水又東南伏於戈壁

新疆圖志

水道志六

二二九

會典輿圖雅爾城東北有和博克河薩里山即賽里山是爲一地今統名和博克賽里山山在納林喀喇山西南麓有水東南流曰和博克河其水三源並出正東曰阿里札圖水三支合流經鄂博圖台之西順南流經舊土爾扈特王府東又南流入於河次東曰巴音薩拉水自巴音鄂博圖台西南流逕布林台之西又西南流入於河阿里札圖水之西曰達萌河自和博克賽里山西南瑪立山之陽順東南流左納克特和博水塔克勒圖水固爾班水額通河水果勒水右納

烏蘭布拉克水東南流逕烏蘭布拉克台南是爲和博克河河又東南逕土爾扈特王府左會阿里札圖水又東南左會巴音薩拉水又東南踰孔道過庫克申倉驛北博依倫水發自博依倫山西南流逕合斯托羅蓋驛東又西南流來會和博克河復東南流經哲克得里克莊東伏流入於戈壁

蘇爾圖河

又東南曰蘇爾圖河源出齋爾山曲折東流左會納木河水合東南流左瀦爲峩洛素托小海又東南匯於艾

新疆圖志

水道志六

四十一

拉克汗爾

新疆圖說齋爾山在塔爾巴哈台城東南四百二十里山北之水曰蘇爾圖河東北流五十餘里經鐵廠北又東流一百七十餘里經西二工金廠北與納木河會納木河一名白楊河源發阿和賽里山自布霍圖台南納木果台北東南流入蘇爾圖河又合流過蘇海圖山北支水北流入峩洛素托小海正海又逕小海南東南流匯爲艾拉克淖爾案艾拉克淖爾即水道記之特里淖爾在布倫托海西南三百餘里水

道記云阿雅爾淖爾即羅克倫瑪納斯兩河所匯在綏來縣西北正百北

餘里有那木河即納木河東流又有色伯斯台山水即蘇圖爾

河東南流匯之又東南流當噶勒札爾巴什淖爾即倫

布托之西南瀦為特里淖爾形正圓在沙磧中

達爾達木圖河

又東南曰達爾達木圖河源出齋爾山之陰曲折東北

流逕喀圖山北佳爾太水東南流入之又折東南流逕

金廠南又東流注於鹽池

新疆圖說齋爾山東之水源在山西曰達爾達木圖河東

新疆圖志

水道志六

四一

南流經喀圖山金廠南又東流一百里伏於戈壁案

喀圖山為齋爾山之支峯自塔城東南金廠往西至

巴爾魯克山一帶蜿蜒五百餘里一脈相連分為兩

水大山在南路軍台東為齋爾山西為喀圖山鄉土

志喀圖山亦名達爾達木圖山縱橫百餘里哈布水

出焉良曼爾圖河出其南蘇爾圖河出其北圖說又

云哈布水合佳爾太水東南流過艾拉克淖爾南又

東瀦於泊泊即鹽池也在淖爾東南三十餘里合佳

爾太即良曼爾圖之異譯哈布水即達爾達木圖河

水道記又作布克圖河皆屬一河而圖說分爲二水
不免微誤

博古圖河

又東南曰博古圖河源出博古圖山東南流逕蘇海圖
山南又東南匯於阿雅爾淖爾

博古圖山在青石峽之西齋爾山之南其南與庫爾
喀喇烏蘇交界其水曰博古圖河即木丹莫霍爾岱
河也河自木同鄂博山發源東南流逕坤都倫驛之
北胡吉爾台水自北來匯又東南說爾噶其河自西

新疆圖志

水道志六

四一

北來匯又東南過大橋卡流逕蘇海圖山之陰又過
青石峽南入庫爾喀喇烏蘇境又南匯於淖爾水道
記木丹莫霍爾岱河當蘇海圖河之南達爾達木圖
河之東爲阿雅爾淖爾之北源

巴爾魯克河

又西南曰巴爾魯克山巴爾魯克諸水出焉並西流入
於俄界

西域圖志巴爾魯克鄂拉爲塔爾巴哈台之西屏綽
諾布拉克發源西北麓鄉土志山在城西南三百六

十里新疆圖說巴爾魯克山西所出之水有三曰巴爾魯克水西流五十里至四十一號牌博入俄境曰額勒格圖水西流六十里至四十二號牌博入俄境曰察罕托海水西北流八十里至四十三號牌博入俄境察罕托海即圖志之綽諾布拉克也三水出界後皆西北流入阿拉克圖古勒淖爾又巴爾魯克山南所出之水有四曰科別水東流八十五里止不流曰烏宗布拉克水南流六十餘里止不流曰土布林布拉克水南流三十五里止不流曰烏蘭可董水東

新疆圖志

水道志六

四二

南流五十里止不流

哈布托幹烏拉生水 新疆圖說哈布托幹烏拉生

水與和洛土得可水阿里札圖水皆出賽里山陽

平地泉穴中南流二三十里伏於戈壁

特里色勒水 源出塔爾巴哈台山南流四十里入

於地

喀喇奇塔特水 源出塔爾巴哈台山南流四十里

至五十一號牌博入於地

布爾汗可水 源出塔爾巴哈台山東流四十里至

五十二號牌博入於地

阿里雅瑪圖水 源出巴爾魯克支峯之瑪里雅圖

山與排吾起水皆北流四十里分漑屯田

西伯圖水 源出巴爾魯克支峯之額勒圖山北流

三十里止不流

庫庫托羅海水 源出瑪立山陽與阿克塔斯水萌

古隆水皆東北流數十里伏於戈壁

烏蘭達布遜泊 在塔城南境諺呼為紅鹽池周廣

約百餘里

新疆圖志

水道志六

四四

覺隴烏蘇泊 在塔城東南境蘇海圖山東青石碛

北周廣約四五十里

多蘭圖水 新疆圖說多蘭圖水拜興圖水均出多

蘭圖山北東北流伏於戈壁

哈拉阿圖水 新疆圖說哈拉阿圖水與阿拉

克改水下洛改水均出多蘭圖山西北流四十

餘里伏於地

木吉乃水 源出賽里北山至木吉乃卡倫西北流

入俄界

可什塔泊 在塔城東北境周廣約三十里

哈普塔蓋水 源出哈普塔勒灌阪北流六十餘里
止不流

雪里杆布拉克水 源出雪里克山與加曼圖布拉

克巴勤塔布拉克二水並南流伏於地

哈必爾布拉克水 在庫克申倉孔道東南平地出

泉穴東南流十餘里入於戈壁

以上塔城小水

